



BIBLIOTHECA  
UNIV. AGELL.  
CRACOVIANENSIS

cal long.

39321

I

Mag. St. Gr. P

11  
12  
13  
14  
15  
16  
17  
18  
19  
20

# ORATIO.

In laudem Sapientiæ ac Gratiarum actoria

PRO

## MAGISTERO

In præsentia Magnæ Hospitum Corona dicta,

à PATRE FRATRE

**MICHAELE SIEYKOWSKI,**

Ecclesiæ Cathedralis Cracoviensis CONCIONATORE,

dum ad eundem Gradum promovchatur

CUM ADMODUM REVERENDO PATRE ST. MAGISTRO

**P. RAPHAELE CHYBINSKI,**

REGENTE protunc Studi; Gener; Crac; per Admūdū Reverendum

ac Eximium Patrem S. Th. MAGISTRUM PRIOREM Con-

ventūs Cracov; ac DEFINITOREM Capituli Generalis

**P. JUSTINUM JAKIELSKI,**

Annō Domini 1741. Die 5ta Semprembris. 89321

IG.



Andem jam neolaureati Contheologi dum summum Scholastico Sacri sive Sacro-Scholastici quia Theologici Honoris conscendimus gradum, non nobis, neq; gloriæ nostræ, (quàm à nobis longè esse volumus.) sed Dignitati ac Eminentix Sacræ Theologiæ applaudimus A.S. Meretur hæc plausus & Elogia, quæ cum sit Divinæ particula auræ, quidquid humanis mentibus inspirat, id totum aliquid Divinum spirat, in sua Encomia lingvas etiam Infantum facit esse dilertas. Eupharmiones etiam & Memnones in suos animat plausus, dumq; in suæ præstantiæ admirationem animos mortalium rapit, tumma de se cogitamina infra se ponit, & suâ Excellentis minorâ facit.

(1)(

Hæc est

Hæc est supra aurum & lapidem pretiosum multò æstimabilior, cum qua collatum quidquid pretiosissimum est, tanquam arena exigua in comparatione ejus ducendum. Hæc pro luce habenda, Cujus inextinguibile lumen, hæc est bonum optimum, cum qua diligentibus se, omnia benè veniunt, & innumerabilis honestas. Hic est infinitus Thesaurus desuper datus hominibus, quò qui usi sunt, non abusi, participes facti sunt amicitix Dei. Loquar plura in laudè. Theologiæ verba & sensus Salomone mutuado.

Est hæc Sacra Scientia à Deo inventum propter Terrigenas ad Cælum se erigentes munus, magna Divinæ naturæ portio, in qua est Spiritus intelligentiæ Sanctus, incoquinatus, benè faciens, vapor virtutis Dei, & emanatio quedam claritatis Omnipotentis DEI sincera, Candor lucis Æternæ, speculum sine macula Dei Majestatis, & Imago Bonitatis Illius. Hæc etiam sit una, omnia potest in se manens omnia renovat.

Hæc est speciosior Sole, & super omnem dispositionem Stellarum luci comparata invenitur prior, Illi enim succedit nox, hanc autem non vincit malitia. Hæc est Doctrina Disciplinæ Dei & Electrix operum Illius. Si Divitiæ appetuntur in vita, quid hæc locupletius? si justitiam quis diligit, hæc data est in coronam justitiæ, quam reddit Dominus justus noster.

Theologia ac Sacra Scientia diligit laborantes, cum magnas habeat virtutes, sobrietatem enim & prudentiam docet, justitiam & virtutem instillar, quibus utilis nihil est in vita hominibus.

Hæc est sedium Divinarum alsistrix, quæ ab initio & ante sæcula ex ore Altissimi prodijt, cum eo cuncta componens, quam quicumq; receperint, data est illis potestas Filios Dei fieri. Hæc est aurum ignitum quod superi laboribus & laborantibus vendunt, quod Possessores sui ita ditat, ut tandem appensi in statera, non inveniuntur minus habentes.

Hæc animos hominum mole carnis gravatos, à terra ad Cælum elevat, à Terrenis ad superna erigit, à caducis revocat ad æterna, æternitatem meditari & mereri docet. Hoc est vinum germinans Virgines & cor hominis lætificans, de cujus genimine inebriari, est adhuc sitire, quò incallescere, est amore Dei inflammari.

Porro condignis laudibus & Encomiis inexplicabilis est Sacræ Theologiæ Majestas, cujus speciem & decorem cum nos adamaverimus, & illi Doctorali desponsati extiterimus annulo, non nostris id meritis adsciscimus, sed superum Superiorumque gratiæ.

Unde primò laudare condecet Eum; Qui non ex operibus justitiæ quæ fecimus nos, sed secundum tuam misericordiam fecit nos esse DOCTORES. Profundissimam ergo Creatori nostro indignissimæ Creaturæ pro omnibus tam prævijs, quàm simultaneis, quàm concomitantibus auxilijs gratiarum actionem cum cultu Latrix, & omni nostrum etiam infra omne nihilum

demissione

d-missione Tibi DEUS Ter Optime Maxime Substernimus, implorantes ut non nobis Domine, non nobis, sed Nomini Tuo des gloriam

Advolvimur tandem cum cultu Hyperdulæ ad Te ò Sedes Sapientie, Illius, Qui plus est quàm Salomon vera Mater Virgo Dei-Para MARIA, & Doctorales nostras Laureas plantis Tuis (quibus Infernalem contrivisti Serpentem) substernimus, sic in profundum coram Te eadentes cultum, altius & robustius in defensionem intaminati Tui honoris surrecturi.

Fatemur tandem has Theologicas frontium nostrarum Cidares, non sine favorum vestrorum auspicijs pullulasse Sancti Dei omnes Cæli Indigetes. Benigno Tux gratiæ operante sydere, Magne ac Sancte Pater Dominice. Affluentibus lympidis Angelicæ Tux Doctrinæ aquis, Aquiaatice Doctor THOMA Divinissime, hæ nostræ Laureæ viruere

A Te verò Campi Poloni Flos mirifice HYACINTHE odorem honoris & honestatis attraxere. Vobis ergo & omnibus vobiscum simul Cæli Cohæredibus, atq; Angelicis Spiritibus has vireti Theologici Corymbos, cum cultu Dulæ & perenni devotarum mentium Nostrarum gratitudine litamus & dicamus

Tandem se Honoris Theologici Eminentia, ad Fimbriam Purpuræ Cardinalitæ Antistitis Nostri Eminentissimi Pastoris inclinat, totam sui & hujus Actûs licet absenti, præsentem tamen in cordibus nostris gloriam refert, Cui nos in vim gratitudinis nostræ in dedicatoria prorumpimus vota, ut in præsidium doctarum Mentium Eminentissimus honoribus, fortunatissimus successibus, incolumitate longævus, in Tutamen Patriæ, in Decus Ecclesiæ vivat quam diutissimè.

Vos quoq; Infulanda Infulatæq; Capita, Pretiosæ Vavellani Triregij Gemmæ Illustrissimi Prælati veneramur, in debitam saltem (etsi Vestris favoribus non condignam) Gratiarum Actionis exhibitione perennem nostram ad quævis obsequia Vestra spondemus obligationem. Sub triplici Corona, gloria & honore coronet Vos Dominus, ut cum apparuerit Princeps Pastorum, percipiatis immarcescibilem Gloriæ Coronam.

Fecunda Doctorum non minùs ac Sanctorum Virorum Mater, in qua mirabilis facta est Scientia, in qua fulgent Docti quasi splendor firmamenti, & quasi Stellæ in perpetuas æternitates. Lauriger laboriosorum pro Fide & Ecclesia Geniorum Nidus, Europeum non fucatæ scientiæ quæ inflat Licium, inconcussum solidæ Sapientiæ asyllum, floridum Artium quarumvis Mulzuum, maximum Orbis Poloni Decus, Generalis Regni Sarmatici Schola, Universitas Cracoviensis, dum huic Actûs Academico Candore ornamentum & Philadelphico affectu a læget plausum, nos Laureas Theologicas Sceptiferæ internectimus Cruci, & hunc fontem ex quo eruditionem mentium morumq; -ulturam hausim, indefinentis nostræ gratitudinis herbâ coronam.

Reverendissimi Patris Nostri Generalis Magistris Sacrae Theologiae Professoris Patris Thomae Ripoll, aureas propter Paternum erga nos indignos suos famulos amorem, Fornatiles, propter dexterrimam in peragendis Sacri Ordinis Nostri negotijs agilitatem, plenas pretiosis Magorum in Ecclesia & Sacra Religione meritorum Hyacinthis Manus, ex quibus has Theologicas recepimus Laureas, reverentia simulq; Filiali exosculamur affectu. Quem Dominus conservet & felicem faciat in suam Gloriam & honorem, ut Thomas abyssales participet Gratias.

Nobilissimo Magistratui Cracoviensi, pro praestito gratioso per suam praesentiam actu huic decoramento, in gratiarum actionem obligatam Nostram profitemur gratitudinem. Vos enim constituit Dominus Judices & Praesides in Civitate Regis Magni. Ergo culmen Turris Vestrae, ut celebretis Nomen Vestrum pertingat ad Caelum, fiatq; abundantia in Turribus Vestris.

Religiosissimis Sacrarum Familiarum Caetibus, exantlatis in Vineae Domini Operarijs, laboriosis in Exedris Ecclesiasticis, Cathedris Scholasticis, Athletis, quod non gravatim praesentiam tuam nobis exhibuerint & Theologicarum Laurearum frondes, & Nostras frontes in gratiarum actionem inclinamus.

Tibi hoc totum debemus, quod cum honore Doctorali recipimus. Admodum Reverende ac Eximie Pater, Sacrae Theologiae Magister magne Doctrinae & Sacris laboribus, non minus multiplicatis apud DEUM & apud homines meritis JUSTINE, PRIOR Dignissime, PROMOTOR nostrum Gratioussime, scito & crede quod dum Capita Nostra Theologicis Corquasti Laureis, simul & corda in perennem obligationem obstrinxisti.

Ad vos etiam Qui estis Theologici Pars magna Senatûs, fulgentes in firmamento Ecclesiae Stellae, Eburneae Domus, Sapientiae Columnae, Civitas supra montem posita, Flores rolarum in diebus Vernis, Lilia quae sunt in transitu aquae, Sal Terrae, Lumina Mundi, resurgentes in Templo Dei, Vasa aurea solida, Ornata omni lapide pretioso, Sacrae Theologiae Magistri, mea perficitur Oratio, in qua integer obligationis Nostrae sensus est, sine terminante gratitudinem Nostram periodo, ut qui nos in Vestrum gratiosè adsciscitis numerum, augmentum Annorum sine decremento incolunitatis sortiamini.

Pulcherrimae omnium Dignissimorum Hospitum Coronae, in debitam Reverentiam tempora nostra inclinamus, Actuiq; praesenti, non gratitudini nostrae, imponimus Coronidem.



Biblioteka Jagiellońska



stdr0019800

